

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

Kalaallit Nunaanni qalorsorluni aalisarnermi itissutsip nalunaarsorneqartarnerata saniatigut immap kissassusaata nalunaarsorneqartalernissaa Naalakkersuisut pilersaarutigaat?

(Saxtorph Didriksen, Siumut)

Tunngavilersuut:

Upernaaq manna Inatsiartut ataatsimiinneranni Aalisarnermut, Piniarnermut, Nunalerinermullu Naalakkersuisumut apeqqutigivara matumuuna apeqqutigisara, qalorsornermi immap kissassusaata nalunaarsorneqartalersinnaanera pilersaarutaanersoq.

Suliaq sumut killinnersoq paaserusunnarpoq, tassami ukiuni kingullerni nunatta aalisaganikkiartornerata tunngavia tassaammat immatta immamik kissartumik tunup sineriassuaniit aammalu Island-ip kujataaniittumiit sarfap kissartumik “Irmingstrøm”-imik taaneqartartumiit nunatta imartaa kissartumik akorneqalernerminik imartatsinni “nutaanik” aalisagaqalernera, taamaalillutalu siornatigut aalisarsimanngisavut ullumikkut aalisalerpavut.

Nunatta inissisimanera aallaavigalugu qulaani apeqqutigisara piviusunnngussappat immatta kissassusia nakkutigisinnaangussagatsigu aammalu qaqugukkut immap kissartup imartatsinniit qimagukkiartulernissaa ilisimassallugu pingaaruteqarmat.

Aalisakkat amerlasuunngorlutik takkuttarnerannut tunngaviummat imaq “Irmingerstrøm”-imik taaneqartartoq, taannalu qaqugukkut qimagukkiartulernissaa immatta kissassusia allattugaatigilerutsigu qaqugukkut aalisakkanik assigiinngitaunik niueruteqarnerput inuuniuteqarnerpullu tunngavilikkamik aaqqissuussinnaassagatsigu.

Apeqquteqaatimma ullut suliffiusut qulit iluanni akineqareersimanissaat kissaatigaara.